



სსიპ - აკაკი წერეთლის სახელმწიფო უნივერსიტეტი

№ 01-04 | 75

ბრძანება

9.09.

2022 წ.

2022-2023 სასწავლო წლისათვის სსიპ - აკაკი წერეთლის სახელმწიფო
უნივერსიტეტის დოქტორანტურაში მიღების წესი

1. კონკურსანტთა რეგისტრაცია

1.1. დოქტორანტურაში სწავლების უფლება აქვს მაგისტრის, ან მასთან გათანაბრებული აკადემიური ხარისხის მქონე პირს, რომელიც აკმაყოფილებს შესაბამისი სადოქტორო პროგრამაზე სწავლის გაგრძელების განსაზღვრულ მოთხოვნებს.

1.2. დოქტორანტურაში ჩარიცხვის მსურველმა რეგისტრაციისას უნდა წარმოადგინოს განცხადება რექტორის სახელზე შესაბამის სადოქტორო პროგრამაზე სწავლის გაგრძელების სურვილის შესახებ, რომელსაც თან უნდა ერთვოდეს:

ა. განმცხადებლის ავტობიოგრაფია (CV);

ბ. 2 ფოტოსურათი ზომებით 3x4;

გ. პირადობის მოწმობის ასლი (წარმოდგენილი უნდა იქნას დედანთან ერთად);

დ. მაგისტრის ან მასთან გათანაბრებული აკადემიური ხარისხის დამადასტურებელი დიპლომი, დამოწმებული განათლების ხარისხის განვითარების ეროვნული ცენტრის მიერ გაცემული აპოსტილით.

ე. აპოსტილით დამოწმებული დიპლომის არქონის შემთხვევაში დოქტორანტურაში ჩაბარების მსურველმა უნდა წარმოადგინოს მაგისტრის ან მასთან გათანაბრებული აკადემიური ხარისხის დამადასტურებელი დიპლომის ნოტარიულად დამოწმებული ასლი, ან ადამიანური რესურსების მართვის სამსახურის მიერ გაცემული ცნობა.

ვ. საბუთების მიღებიდან 6 თვის განმავლობაში დოქტორანტურაში ჩარიცხულმა პირმა უნდა წარმოადგინოს ხარისხის განვითარების ეროვნული ცენტრიდან აპოსტილით დამოწმებული დიპლომი, წინააღმდეგ შემთხვევაში დოქტორანტს შეუჩერდება სტატუსი;

ზ. დიპლომის დანართი და ნიშნების ფურცელი;

თ. სავარაუდო სამეცნიერო ხელმძღვანელის რეკომენდაცია;

ი. რეფერატი ან პუბლიკაცია, რომელიც სამეცნიერო ხელმძღვანელის ნებართვით შეიძლება ჩაითვალოს რეფერატად;

კ. სამხედრო აღრიცხვას დაქვემდებარებულ პირთათვის სამხედრო აღრიცხვაზე ყოფნის დამადასტურებელი დოკუმეტის ასლი, მისივე დედნის წარდგენით

ლ. 40 ლარის გადახდის ქვითარი.

2. გამოცდების ჩატარების ორგანიზაცია

2.1. დოქტორანტურაში მისაღები გამოცდების ჩატარების მიზნით, შეიქმნას საუნივერსიტეტო კომისია საფაკულტეტო ქვეკომისიებით, რომლებიც შედგებიან საგნობრივი ჯგუფებისაგან.

2.2. დოქტორანტურაში ჩარიცხვის მსურველთათვის გამოცდების ჩატარების ორგანიზაციული უზრუნველყოფა დაევალოს საუნივერსიტეტო საგამოცდო სექტორს.

2.3 კონკურსს ატარებს რექტორის მიერ შექმნილი საუნივერსიტეტო კომისია.

3. დოქტორანტურაში მისაღები გამოცდების ჩატარების ფორმა

3.1. სადოქტორო პროგრამაზე ჩარიცხვისათვის აუცილებელია გამოცდის ჩაბარება სპეციალობასა და უცხო ენაში (ინგლისური, ფრანგული, გერმანული) სადოქტორო პროგრამის აურიკულუმში გათვალისწინებული წინაპირობების მიხედვით.

3.2. გამოცდების ჩატარებაზე პასუხისმგებელია უნივერსიტეტის რექტორის ბრძანებით დამტკიცებული საკონკურსო კომისიები.

3.3. უცხო ენაში გამოცდის ტესტი არის B2 დონის. უცხო ენის გამოცდა ჩატარდეს პერსონალურ კომპიუტერთან საუნივერსიტეტო სივრცეში.

3.4. B2 დონის დამადასტურებელი დოკუმენტის (საერთაშორისოდ აღიარებული სერტიფიკატები TOEFL, IELTS, FCE (B2), გოეთეს სერტიფიკატი B2, DLS B2) მქონე კონკურსანტები თავისუფლდებიან უცხო ენაში მისაღები გამოცდებისაგან. თუმცა, უნივერსიტეტიდან, ამ ბრძანების მე-9 მუხლის 9.1., 9.2. და 9. 3. პუნქტებით გათვალისწინებული დაფინანსების მისაღებად კონკურსანტი ვალდებულია ჩაბაროს უცხო ენაში B2 დონის საუნივერსიტეტო გამოცდა.

3.5. დოქტორანტურაში სპეციალობის მისაღები გამოცდა ჩატარდეს წერითი ფორმით.

3.6. სპეციალობის მისაღებ გამოცდებთან დაკავშირებით უნივერსიტეტის რექტორის მიერ იქმნება კომისიები, რომლებაც უნდა წარმოადგინონ საგამოცდო საკითხები შემდეგი მოთხოვნების დაცვით:

ა. კონკრეტულ საგანში არანაკლებ 40 საკითხისა.

ბ. კონკრეტულ საგამოცდო ბილეთში საკითხების რაოდენობა არანაკლებ 3 - ისა.

3.7. წარმოდგენილ საკითხებს ხელს აწერენ სადოქტორო პროგრამის ხელმძღვანელები, ფაკულტეტის დეკანი და მოწმდება ფაკულტეტის ბეჭედით.

3.8. საგამოცდო სექტორს დაევალოს უნივერსიტეტის ბეჭედდასმული საგამოცდო ფურცლების შესაბამისი რაოდენობით საგამოცდო კომისიების უზრუნველყოფა.

3.9. კონკურსანტის შეფასება ხდება 100-ქულიანი სისტემით.

4. სპეციალობაში მისაღები გამოცდის მიმდინარეობა:

4.1. გამოცდის დაწყებამდე ერთი საათით ადრე კონკურსანტები გადიან რეგისტრაციის გასავლელად რეგისტრატორებს წარუდგენენ პირადობის დამადასტურებელ მოწმობას.

4.2. კონკურსანტი ვალდებულია:

ა) დაუგვინებლად გამოცხადდეს გამოცდაზე. საგამოცდო დროის ათვლის დაწყების (რეგისტრაციის დამთავრების შემდეგ) კონკურსანტი გამოცდაზე არ დაიშვება;

ბ) თან იქონიოს პირადობის მოწმობა;

გ) გამოცდის დამთავრების შემდეგ საგამოცდო დავალების ჩაბარებისას ხელი მოაწეროს სპეციალურ უწყისში;

დ) შეასრულოს ამ ბრძანებით გათვალისწინებული სხვა ვალდებულებანი და გამოცდის დამკვირვებლის ცალკეული მითითებანი.

4.3. გამოცდის მსვლელობისას კონკურსანტს ეკრძალება:

ა) მობილური ტელეფონის ან სხვა ელექტრული აპარატურის ქონა;
ბ) გამოცდაზე დამხმარე მასალის - სახელმძღვანელოების, ჩანაწერების და სხვა გამოყენება;
გ) საგამოცდო დავალების ფურცელზე, ან საგამოცდო ნაშრომზე მაიდენტიფიცირებელი ნიშნის (სახელი, ნომერი, მისამართი და სხვა) ან რაიმე სახის ისეთი გრაფიკული გამოსახულების (ფიგურა, წარწერა და ა.შ.) დატანა, რომელიც დაკავშირებული არ არის საგამოცდო დავალებასთან;

დ) გადალაპარაკება, დახმარების გაწევა, ან მიღება რაიმე ფორმით, სხვა ვონკურსანტისათვის რაიმე ფორმით ხელის შეშლა;

ე) სამუშაო ადგილის უწებართვოდ დატოვება. სამუშაო ადგილის დატოვება შესაძლებელია მხოლოდ თანმხლებ პირთან ერთად.

4.4. ნაშრომი, რომლის შესრულებისას გამოყენებული იქნება განსხვავებული ფერის მელანი, ან რომელიც შეიცავს მაიდენტიფიცირებელ ნიშანს, ან რაიმე სახის გამოსახულებას, რომელიც დაკავშირებული არ არის საგამოცდო დავალებასთან, არ გასწორდება

4.5. ჩაბარებული საგამოცდო ნამუშევრები გადაეცემა აწსუ საგამოცდო სექტორის ხელმძღვანელს.

5. სპეციალობაში კონკურსანტთა ნაშრომების გასწორება

5.1. საგამოცდო ნაშრომები კოდირების შემდეგ რეგისტრირდება და გამსწორებელთა საგამოცდო კომისიებში ნაწილდება აწსუ საგამოცდო სექტორის მიერ.

5.2. ნაშრომი, რომელიც შესრულებულია განსხვავებული ფერის მელნით ან რომელიც შეიცავს მაიდენტიფიცირებელ ნიშანს (სახელი, ნომერი, მისამართი და სხვა) ან რაიმე სახის გრაფიკულ გამოსახულებას (ფიგურა, წარწერა და ა.შ.) რომელიც დაკავშირებული არ არის საგამოცდო დავალებასთან, არ ექვემდებარება გასწორებას, ფასდება ნული ქულით.

6. მინიმალური კომპენტენციის ზღვარი

6.1. მინიმალური კომპენტენციის ზღვარი უცხო ენაში განისაზღვრება 51 ქულით, ხოლო სპეციალობაში 71 ქულით.

7. კონკურსანტთა რანჟირება და სადოქტორო პროგრამებზე ჩარიცხვა

7.1. უცხო ენასა და სპეციალობის გამოცდაზე მიღებული შეფასებების ჯამური ქულების მიხედვით თითოეული სადოქტორო პროგრამისათვის შედგეს მინიმალური კომპენტენციის ზღვარგადალახულ კონკურსანტთა რანჟირებული სია, სიაში კონკურსანტები დალაგდნენ შეფასებების კლებადობის მიხედვით

7.2. კონკურსანტები, რომელთა რიგითი ნომრები კონკურსანტთა რანჟირებულ სიებში არ აღემატება შესაბამისი სადოქტორო პროგრამისათვის განსაზღვრული საკონკურსო ადგილების რაოდენობას, სათანადო ხელშეკრულების გაფორმების საფუძველზე რექტორის ბრძანებით ჩაირიცხებიან უნივერსიტეტში.

7.3. ჯამური ქულების თანაბრობის შემთხვევაში უპირატესობა მიენიჭოს სპეციალობის გამოცდაში მიღებულ ქულას.

7.4. ჯამური ქულების და სპეციალობის გამოცდაში მიღებული ქულის თანაბრობის შემთხვევაში გადაწყვეტილებას იღებს შესამამისი ფაკულტეტის საბჭო GPI -ის ქულის მიხედვით.

8. დოქტორანტურაში სწავლის საფასური

8.1. დოქტორანტურაში სწავლის საფასური განისაზღვროს 2750 (ორიათასშვიდას ორმოცდაათი) ლარით წელიწადში.

9. საუნივერსიტეტო სასწავლო გრანტის გაცემის პირობები, ოდენობა და დაფინანსების წყაროები

9.1. დაფინანსდეს აკაკი წერეთლის სახელმწიფო უნივერსიტეტის დოქტორანტურაში ჩარიცხულ პირთა არაუმეტეს 40% - ისა თითოეულ ფაკულტეტზე.

9.2. დაფინანსებულ პირთა 30%-ს თითოეულ ფაკულტეტზე უნდა შეადგენდნენ ის პირები, რომელთაც სპეციალობის გამოცდაში დააგროვეს არანაკლებ 81 ქულისა, ხოლო უცხო ენის გამოცდაში კი არანაკლებ 71 ქულისა.

9.3. ფაკულტეტი უფლებამოსილია განიხილოს დოქტორანტურაში ჩარიცხულ პირთა მიზნობრივი დაფინანსების საკითხი, მაგრამ ფაკულტეტის სადოქტორო პროგრამებზე ჩარიცხული სტუდენტების არაუმეტეს 10%-სა. დაფინანსება განხორციელდეს შესაბამისი არგუმენტაციის საფუძველზე, რომელიც წარუდგება რექტორს.

9.4. საფაკულტეტო დაფინანსების მირითადი მიზანია საგანმანათლებლო პროგრამების მაღალკალიფიციური კადრებით უზრუნველყოფის გაუმჯობესება და დეპარტამენტების შემადგენლობების სამეცნიერო პოტენციალის ზრდის ხელშეწყობა.

9.5. დოქტორანტურაში ჩარიცხულ პირთა დაფინანსების საკითხი განხილული იქნას ფაკულტეტების საბჭოების სხდომებზე. საბჭოს სხდომის თარიღის შესახებ ინფორმირებულ იქნას მესაბამისი ფაკულტეტის სადოქტორო პროგრამებზე ჩარიცხული ყველა პირი, ფაკულტეტზე მოქმედი ყველა სადოქტორო პროგრამის ხელმძღვანელი და დოქტორანტურაში ჩარიცხულ პირთა ყველა სავარაუდო სამეცნიერო ხელმძღვანელი.

9.6. ფაკულტეტის საბჭოების გადაწყვეტილება ეცნობოს უნივერსიტეტის რექტორს.

9.7. 9.3 და 9.6 მუხლებით წარდგენილ ინფორმაციის გათვალისწინებით, სადოქტორო პროგრამების მიხედვით სტუდენტთა ჩარიცხვისა და მათი დაფინანსების შესახებ საბოლოო გადაწყვეტილებას იღებს უნივერსიტეტის რექტორი.

10. დოქტორანტურაში მისაღები საუნივერსიტეტო გამოცდების ჩატარების უზრუნველყოფის პროცედურა.

10.1. საუნივერსიტეტო გამოცდების ჩატარებას უზრუნველყოფს რექტორის ბრძანებით შექმნილი საუნივერსიტეტო კომისია, სასწავლო პროცესის მართვის სამსახურის საგამოცდო სექტორი და ფაკულტეტის ადმინისტრაცია.

10.2. ფაკულტეტის დეკანებმა არაუგვიანეს 12 სექტემბრისა უზრუნველყონ ფაკულტეტის საბჭოზე დამტკიცებული საგამოცდო საკითხებისა და შეფასების სისტემის წარმოდგენა სასწავლო პროცესის მართვის სამსახურის სტუდენტური აღრიცხვისა და მომსახურების განყოფილებაში ასოც. პროფ. ე. უკლებასთან. აწსუ-ს მარკეტინგისა, პროექტების და ღონისძიებების მართვის სამსახური უზრუნველყოფს წარმოდგენილი საგამოცდო საკითხების დაუყონებლივ განთავსებას უნივერსიტეტის ვებ-გვერდზე.

10.3. კონკურსის ჩატარების მიზნით იქმნება საგნობრივი კომისია და საგნობრივი კომისიები (პროგრამებისა და მიმართულებების მიხედვით).

10.4. კონკურსს ატარებს რექტორის ბრძანებით შექმნილი საუნივერსიტეტო კომისია.

10.5. საბუთების მიღება წარიმართება 2022 წლის 19 სექტემბრიდან 2022 წლის 24 სექტემბრის ჩათვლით სპეციალურად ამ მიზნით შექმნილ სარეგისტრაციო კომისიაში.

10.6. მისაღები საუნივერსიტეტო გამოცდები ჩატარდეს 2022 წლის 27 და 28 სექტემბერს, სააპელაციო განცხადებების მიღება მოხდეს 29 სექტემბერს, განხილვა იწარმოებს 30 სექტემბერს.

10.7. ხელშეკრულების გაფორმება იწარმოებს 2022 წლის 3 ოქტომბრიდან 7 ოქტომბრის ჩათვლით.

11. უნივერსიტეტის კანცელარიამ უზრუნველყოს ამ ბრძანების განთავსება
საინფორმაციო დაფაზე, ხოლო უნივერსიტეტის მარკეტინგის, პროექტების და ღონისძიებების
მართვის სამსახურმა ბრძანება განათავსოს უნივერსიტეტის ვებ-გვერდზე.

საფუძველი: აკადემიური საბჭოს 2021 წლის 21 მაისის დადგენილება № 32 (20/21)
აკაკი წერეთლის სახელმწიფო უნივერსიტეტში დოქტორანტურის წარმართვის ძირითადი
პრინციპების განსაზღვრის შესახებ“.



რექტორი
სასწავლო პროცესის მართვის
სამსახურის უფროსი

პროფ. როლანდ კოპალიანი

პროფ. იმერ ბასილაძე